

ՊԱՅՄԱՆԱԳԻՐ
ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ N 1146-11014

Ք. Երևան

« 30» հունվար 2024 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար՝ Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Երևանի Մխիթար Սեբաստացի կրթահամալիր» ՊՈԱԿ-ը, ի դեմս տնօրեն՝ Սուսաննա Մարկոսյանի, (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով ՀՀ կառավարության 2023 թվականի դեկտեմբերի 28-ի «ՀՀ 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ որոշում), 1146«Հանրակրթության ծրագիր» ծրագրի 11014«Նորարարական մանկավարժական ծրագրերի իրականացում հանրակրթությունում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել որոշմամբ նախատեսված՝ մինչև **126 383 600** (մեկ հարյուր քսանվեց միլիոն երեք հարյուր ութսուներեք հազար վեց հարյուր) ՀՀ դրամ գումար, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի անբաժանելի մասը կազմող հավելվածում:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.2 կետով նախատեսված տուգանքը, իսկ պայմանագրով նախատեսված

հաշվետվությունների ներկայացման համար սահմանված ժամկետները չպահպանելու դեպքում՝ պայմանագրի 5.3 կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջաջառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնել ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերկատարման դեպքում պահանջել հետ վերադարձնել համապատասխան չափով հաշվարկած գումարը, կամ նշված գումարի չափով պակասեցնել հետագա տարիների ֆինանսավորումը, կամ հետագա տարիների պայմանագրերով պարտավորեցնել լրացնել ոչ ֆինանսական ցուցանիշների թերկատարումը,

2.1.7. սույն պայմանագրի 2.4.7 կետում նշված ժամկետներում կազմակերպության կողմից կատարողական հաշվետվությունները չներկայացնելու դեպքում ժամանակավորապես դադարեցնել գումարի տրամադրումը,

2.1.8. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջել ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջել վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառման արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կազմակերպությունից ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառման մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման կազմակերպությանը՝ լրամշակման համար սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. պայմանագրով նախատեսված ֆինանսական միջոցներն օգտագործել ծրագրով և սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.2 կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.2 կետով նախատեսված միջոցառումները,

2.4.3. սույն պայմանագրով սահմանված պարտավորություններն իրականացնել գործող իրավական ակտերի, պետական մարմնի կողմից հաստատված կամ տրամադրված մեթոդական ցուցումների, հրահանգների պահանջներին համապատասխան,

2.4.4. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.5. սույն պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.7. մինչև յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով՝ մինչև հաջորդ տարվա հունվարի 25-ը ներկայացնել իրականացված միջոցառումների վերաբերյալ կազմակերպության կատարողական հաշվետվությունները: Կազմակերպությունը պատասխանատվություն է կրում հաշվետվությամբ ներկայացված տվյալների հավաստիության համար,

2.4.8. իրականացնել ծրագրի շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.9. պետական մարմնին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,

2.4.10. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.11. ծրագրի իրականացման մասին իրազեկման բոլոր հարթակների տեսանելի վայրում, ինչպես նաև ծրագրի իրականացման մասին իրազեկմանն ուղղված ցանկացած գրավոր և/կամ բանավոր խոսքում հրապարակել պետական մարմնի անունը (որպես ֆինանսավորող կողմ), իսկ համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ ծրագրին աջակցող կազմակերպության(ների), ֆինանսավորման չափի և վերջինիս(ներիս) հետ ձեռք բերված այլ պայմանավորվածությունների մասին,

2.4.12. միջոցառման իրականացման համար անհրաժեշտ ապրանքները, աշխատանքները և ծառայությունների ձեռքբերումն իրականացնել աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով և/կամ ՀՀ աշխատաքային օրենսգրքով սահմանված սահմանված կարգով,

2.4.13. չձախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2024 թվականի դեկտեմբերի 20-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո,

2.4.14. պայմանագրով նախատեսված միջոցառումների տարեկան արդյունքները թերակատարելու դեպքում համապատասխան չափով գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1 կետում նշված գումարը պետական մարմինը կազմակերպությանն է վճարում համաձայն ՀՀ կառավարության 2023 թվականի դեկտեմբերի 28-ի N 2323-Ն որոշմամբ նախատեսված եռամսյակային համամասնություններին համապատասխան՝ սույն պայմանագրի 2.4. կետում նշված հաշվետվությունն ընդունելուց հետո:

3.2. Սույն պայմանագրի 1.1 կետում նշված գումարը կազմակերպությանը վճարվում է կազմակերպության բանկային հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ սույն պայմանագրով սահմանված ցուցանիշներն ու պայմանները խախտելու դեպքում պետական մարմնին իրավունք ունի վերանայել սույն պայմանագրի 1.1-ին կետում նշված գումարի չափը և դրա վճարման ժամանակացույցը:

4. ՊԱՅՄԱՆԱԳՐԻ ԺԱՄԿԵՏԸ

4.1. Պայմանագիրն ուժի մեջ է մտնում կողմերի ստորագրման պահից, տարածվում է 2024 թվականի հունվարի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2 Պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

5.3 Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4 Պայմանագրի 5.2 և 5.3 կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում կազմակերպությանը վճարման ենթակա գումարների հետ:

Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

5.5 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ՄՈՆԻԹՈՐԻՆԳԸ

6.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

6.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

6.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

6.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

6.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա

եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

8. ԵԶՐԱՓՈՒԿ ԴՐՈՒՅԹՆԵՐ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի
նախարարություն
ք. Երևան, Կառավարական 2 շենք
ՀՀ ՖՆ գործառնական վարչություն
Հ/Հ 900011005205
ՀՎՀՀ 02698732

Գլխավոր քարտուղար՝

_____ Հ. Հակոբյան

(ստորագրություն)

Կ.Տ

ԿԱԶՄԱԿԵՐՊՈՒԹՅՈՒՆ

«Երևանի Մխիթար Սեբաստացի կրթահամալիր» ՊՈԱԿ
ք. Երևան, Րաֆֆի 57
ՀՀ ՖՆ գործառնական վարչություն
Հ/Հ 900018003203
ՀՎՀՀ 01804186

Տնօրեն՝

_____ Ս.Մարկոսյան

(ստորագրություն)

Կ.Տ.

**Աջակցություն Երևանի «Մխիթար Սեբաստացի» կրթահամալիրին հեղինակային կրթական ծրագրերի իրականացման համար
Նորարարական մանկավարժական ծրագրերի իրականացում հանրակրթությունում.**

**հեղինակային կրթական ծրագրերի վերամշակում և իրականացում. անհատի օժտվածության զարգացման բաց համակարգ. ստեղծագործ
անհատի կրթական պատվերի իրականացում:**

Մ Ի Զ Ո Ց Ա Ռ ՈՒ Մ Ն Ե Ր

Ստեղծողի մոբիլ դպրոց:

Ստեղծագործ անհատի կրթական պատվեր, անհատի օժտվածության զարգացման հանրակրթական բաց համակարգ:

Հեղինակային կրթական ծրագիրը՝ ուսումնական օրացույցով, ուսումնական նախագծերով, անհատական թվային միջոցներով:

<i>Իրականացվելիք միջոցառումներ</i>						
N	Անվանում	Համառոտ բովանդակությունը	Կատարման ենթակա գործառույթների նկարագիրը	Ակնկալվող արդյունքները և դրանց գնահատման չափանիշները	Վերջնաժամկետը	Պահանջվող գումարը (դրամ)
1	Հեղինակային հանրակրթական ծրագրերի մշակման բաց համակարգի պահպանություն:	Կրթահամալիրի հեղինակային մանկավարժության լաբորատորիայի պահպանություն: Մեդիագրադարանի պահպանություն: mskh.am բազմալեզու կայքի, mskh բլոգային ցանցի, «Դպիր»	Հեղինակային մանկավարժության լաբորատորիայի, մասնագիտական խմբերի, կրթահամալիրի մասնաժողովի, գործունեություն: 1. Հեղինակային կրթական ծրագրերի վերամշակում և իրականացում: 2. Ուսումնական օրացույցի մշակում: 3. Հանրակրթության պետական չափորոշչով որոշված բնագավառների՝ ուսումնական	1. Գործող կրթական 8 ծրագրեր, 2-4 տարեկանների, 5 տարեկանների, 1-3-րդ, 4-5-րդ, 6-8-րդ, մասնագիտական կողմնորոշման 9-րդ, հետազոտական վարժարանի 10-11-րդ, 12-րդ դասարանների ուսումնական պլաններ, կազմակերպման կարգեր: Առարկայական դասընթացների լրամշակված ծրագրեր, կազմակերպման, ուսումնական արդյունքների ամփոփման ուսումնական մոդուլներ:	2024թ. ընթացքում	39 200 000

		<p>մանկավարժական բազմալեզու հանդեսի պահպանություն:</p>	<p>աշխատանքի ձևերի մշակում-լրամշակում, ներկայացում:</p> <p>4. 2023-2024 ուստարվա գնահատման համակարգի լրամշակում ըստ Հանրակրթության պետական չափորոշչի: 5 տարեկանների, 1-3-րդ դասարանցիների զարգացման բնութագրերի լրամշակում, 4-5-րդ դասարանցիների ուսումնական առաջադիմության բնութագրի մշակում, ներդրում: 6-8-րդ, 9-րդ դասարանցիների գնահատման գործիքների լրամշակում: Հետազոտական վարժարանում՝ 10-11-րդ, 12-րդ դասարաններում, կրեդիտավարկանիշային համակարգի լրամշակում ամբողջացում:</p> <p>5. Հետազոտական վարժարանում ուսումնական նախագծի իրականացման կարգի, աշխատանքին ներկայացվող պահանջների լրամշակում, ուսումնական հետազոտական նախագծի մշակման, կազմակերպման կարգի փորձարկում 6-8-րդ, 9-րդ դասարաններում, աշխատանք սովորողների հետ, արդյունքների ներկայացում:</p> <p>6. Հեղինակային կրթական ծրագրի ուսուցչի կամավոր ատեստավորման, վերապատրաստման բովանդակության լրամշակում:</p> <p>7. Հեղինակային կրթական</p>	<p>2. Ուսումնական տարվա, ուսումնական շրջանի, ամսվա հրապարակված օրացույցներ: Շուրջտարյա ուսումնական գործունեություն ուսումնական օրացույցով: Ուսումնական կյանքի ծիսականացում: Ծեսի տարածում ուսումնական նախագծերով:</p> <p>3. Հունվար-ապրիլ ամիսներին 4 հավաք՝ «Հասարակություն, հասարակական գիտություններ», «Ֆիզիկական կրթություն և անվտանգ կենսագործունեություն», «Օտար լեզուներ», «Հայրենագիտություն»:</p> <p>4. 2023-2024 ուսումնական տարվա ամփոփում նոր և լրամշակված գործիքներով: Կրթական ծրագրերի «Ելք» ստուգատեսներ. ուսումնական արդյունքների հանրային գնահատում:</p> <p>5. 10-11-րդ դասարանցիների հետազոտական նախագծերի հանրային պաշտպանություններ: Հետազոտական նախագծերի «Բազմալեզու» ավանանխի ստեղծում, հրապարակում: 9-րդ, 8-րդ, 7-րդ դասարանցիների հետազոտական աշխատանքներ ուսումնական բլոգներում:</p> <p>6-7. Հեղինակային կրթական ծրագրով կամավոր ատեստավորման, մրցանակային անվանակարգերի բովանդակության արտացոլում ուսումնական գործունեության կազմակերպման նորացման վրա:</p> <p>8. Անխափան ուսումնական համացանց կրթահամալիրի ողջ տարածքում: Google Workspace for</p>		
--	--	--	--	--	--	--

			<p>ծրագրով ամենամյա մրցանակների պահանջների, մրցանակակրի առաջադրման, ընտրության կարգի լրամշակում՝ որպես մանկավարժական աշխատողների, սովորողների գործունեության գնահատման գործիքներ:</p> <p>8. Ուսումնական ինտերնետ. ներքին ցանցի արդիականացում, ուսումնական գործում կապին ներկայացվող պահանջներ, օգտագործման, սպասարկման կարգեր:</p> <p>Հետազոտական վարժարանում Google Workspace for Education ծրագրի փորձնական ներդրումը:</p> <p>9. mskh.am ցանցի գործունեություն:</p> <p>10. Հեղինակային կրթական ծրագրերի մշակման, լրամշակման մեջ ներառված մանկավարժական աշխատողների հմտությունների զարգացման ծրագրերի, նախագծերի, մանկավարժական աշխատողի ընտրության բաց համակարգի գործունեություն:</p> <p>Մանկավարժական աշխատողներին ներկայացվող պահանջների լրամշակում:</p>	<p>Education ծրագրի փորձնական ներդրման արդյունքում 2024-2025 ուսումնական տարվա նոր ուսումնական հարթակների ստեղծում:</p> <p>9. Բազմալեզու կայքով, ենթակայքերով, սոցիալական մեդիայով, TV-ով հեղինակային ծրագրի ներկայացում-տարածում: Մեդիագրադարանի նոր կայք, ուսումնական նյութերի տեղափոխում: Նոր ուսումնական նյութեր, փաթեթներ: «Դպիր» հանդեսում մանկավարժական մշակումների, հեղինակային փորձի ներկայացման, ուսումնասիրությունների, թարգմանությունների անընդհատություն:</p> <p>Յուրաքանչյուր մանկավարժական աշխատողը՝ բլոգավար, սովորողների, ստեղծագործական խմբերի, նախագծերի բլոգների խորհրդատու:</p> <p>10. Բլեյան դպրոցի մանկավարժության փոխանցման անընդհատություն: Նոր մանկավարժական աշխատողներին մենթորական օգնության կազմակերպում, ներառում հեղինակային ծրագրում: Հեղինակային կրթական ծրագրի աշխատողների հետազոտական հմտությունների, մեթոդական զինանոցի անընդհատ լավացում:</p> <p><i>Ծրագրի մանկավարժական աշխատողների աշխատավարձ, լրավճարներ վերը նշված</i></p>		
--	--	--	--	---	--	--

				<p>բովանդակության սրեղծման համար: Թվային անհատական միջոցներով, համացանցով, բլոգներով ուսուցման, ուսումնական նախագծերի, սովորողների ընտրությամբ դասընթացների, այդ թվում՝ օտար լեզուների, խորացված ուսուցման, մարզական ակումբների փոքր խմբերով ուսումնական աշխատանքի կազմակերպման, հեղինակային ուսումնական բաց միջավայրի սրեղծման և զարգացման ծախսերը կատարվում են սովորողների ուսումնառության պայմանագրերով որոշված ուսումնական վճարներով:</p>		
2	Նախադպրոցական հեղինակային կրթական ծրագրի կազմակերպում:	Կրթահամալիրի նախակրթարաններում 2-5 տարեկանների խմբերի պահպանություն:	2-5 տարեկանների խմբերի շտրջտարյա գործունեություն. 5 նախակրթարան, 2-4 տարեկանների 13 խումբ, մինչև 415 սան:	2-5 տարեկանների խմբերում մանկան հնքնությունության զարգացման, տեխնոլոգիական, հմտությունների ձևավորման, սոցիալականացման, միջավայրի և գիտելիքների հնքնություն յուրացման, մանկական ծեսի ամենշաբաթյա, հրապարակված նախագծեր: Հեղինակային նախադպրոցական կրթական ծրագրի տարածում 2-5 տարեկանների դաստիարակների բլոգների, դաստիարակների լաբորատորիայի, «Պարտեզ» բլոգների, վերապատրաստումների, այլ հաստատությունների հետ համատեղ իրականացվող նախագծերի միջոցով: Ծրագրով ապահովվում է մանկավարժական աշխատողների աշխատավարձ: Սաների սննդի, հիգիենայի, կենցաղի ծախսերը,	2024թ. ընթացքում	50 500 000

				<i>հեղինակային նյութական, ուսուցողական միջավայրի ստեղծման, զարգացման ծախսերը կազմակերպվում են սաների հնամքի և զարգացման պայմանագրերով որոշված ծնողական վճարներով:</i>		
3	<p>Սովորողների, մանկավարժական աշխատողների օժտվածության զարգացման բաց համակարգի պահպանություն:</p> <p>Լրացուցիչ, այդ թվում՝ արտադպրոցական կրթական ծրագրերի կազմակերպիչ ուսումնական կենտրոնների պահպանություն:</p>	<p>Կրթահամալիրի գեղարվեստի-քանդակի-նուկերիչության, երաժշտության, ծեսի և ազգագրական պարի, բնասերի դպրոց՝ ուսումնական ազարակ, խաղողի և գինու դպրոց, դպրոց բնության գրկում՝ Արատեսի դպրական կենտրոն, մարզական, շախմատի, ինժեներատեխնիկական ստեղծագործության, մանկավարժության ուսումնական կենտրոնների գործունեություն:</p> <p>Ստեղծագործական խմբերի, ակումբների գործունեություն:</p>	<p>Լրացուցիչ, այդ թվում՝ արտադպրոցական կրթական ծրագրերի կազմակերպիչ ուսումնական կենտրոնների գործունեություն:</p> <p>Ուսումնական ֆլեշմոբների, ստուգատեսների, փառատոների, ճամբարների, այդ թվում՝ ռազմամարզական, կազմակերպում:</p> <p>Միջազգային ծրագրերի, մրցույթների, նախագծերի մասնակցություն, գործընկերների մասնագիտական, նյութական, կազմակերպական աջակցությամբ համագործակցային նախագծեր: «Սեբաստացիներ» կրթական հիմնադրամի, «Դար» տարածաշրջանային մրցունակության հիմնադրամի, բուհերի, բնապահպանական, մշակութային, գիտական այլ կազմակերպությունների, անհատների հետ իրականացվող նախագծեր:</p>	<p>Ուսումնական կենտրոններում սովորողների նախասիրությունների զարգացման դասընթացների, նախագծերի, ակումբների, մասնագիտական կողմնորոշման նախագծերի կազմակերպում:</p> <p>Ամենամյա ուսումնական ֆլեշմոբներ: Ամենամյա հանրակրթական ստուգատեսներ, այդ թվում՝ հանրակրթական Դիջիթեք, բնագիտատեխնիկական ստեղծագործության, ձմեռային խաղերի, մարմնամարզական, ազգագրական, արտադրությամբ ուսուցման, ընթերցողական, թարգմանական, լրագրողական-հասարակագիտական նախագծերի, տեխնոլոգիական, հայրենագիտական-բնապահպանական նախագծերի, արվեստի-արտ-միջավայրի, երաժշտական, թատերական, կինո-ֆոտոյի-վլոգերության, ազգագրական, հայրենագիտական, «Հարավարևմտյան ֆիլիարմոնիկ», Հակաբացիլ Կոմիտաս, «Սեբաստացու օրեր», «Լույսեր, գույներ, ծայներ, դղանջներ, ազդեցություններ»:</p>	2024թ. ընթացքում	36 683 600

				<p>Կրթահամալիրի ուսումնական օրացույցով որոշված հունվարյան, հունիսյան ուսումնական ճամբարներ:</p> <p>Հեղինակային մանկավարժության հանրային ներկայացման մայիսյան, սեպտեմբերյան, նոյեմբերյան ստեղծագործական հավաք-նախագծային ուսուցման ստուգատեսներ:</p> <p>Ռազմամարզական, արշավախմբային, հայրենագիտական, բնապահպանական գործունեության նախագծեր, այդ թվում՝ Արատեսում շուրջտարյա, Սևանի ավազանում ամառային ճամբարներ, լրացուցիչ կրթության ճամբարներ նաև սովորողների ուսումնական արձակուրդների շրջանում, գյուղական ճամբարներ, այդ թվում՝ Գեղարքունիքի մարզի Սևան համայնքի, Վայոց ձորի գյուղերում:</p> <p>Ուսումնական օրացույցով որոշված՝</p> <ul style="list-style-type: none"> • համերգ-ցուցադրություն-ներկայացումներ, • հանդիպում-վարպետության պարապմունքներ. • տեխնոլոգիական հանրակրթություն արտադրությամբ ուսուցման նախագծերով, այդ թվում՝ երկրագործական, կենդանիների և բույսերի խնամքի-բազմացման, խաղողի և գինու արտադրության, մեղվաբուծության, չորանոցի- 		
--	--	--	--	---	--	--

				<p>չրանոցի, ինժեներական-տեխնիկական, գյուղատնտեսական մթերքի արտադրության, հացի-հացամթերքի արտադրության, գրքի թվայնացման, էլեկտրոնային գրքի ստեղծման, ձևավորման, հրատարակման, ծեսի-տոնի կազմակերպման.</p> <ul style="list-style-type: none"> • մարզական ակումբային բաց մրցաշարեր. • մանկավարժական աշխատողների մարզական ակումբներ, թիմեր. • մանկավարժության կենտրոնում՝ մանկավարժական շուրջտարյա դպրոցի, մանկավարժական բաց ճամբարների, վերապատրաստման դասընթացների կազմակերպում. մանկավարժական նորարարության բաց ճամբարներ կրթահամալիրից դուրս. Հանրապետական, միջազգային հավաքների մասնակցություն. • Արատեսը՝ դպրոց բնության գրկում, ռազմամարզական, բնապահպանական, հայրենագիտական, ընտանեկան շուրջտարյա ճամբարներ, բարձր լեռնային պայմաններում մասնագիտական ուսուցման, մեղվաբուծության բազա. • «Վայրի բնության և մշակութային արժեքների պահպանություն» հիմնադրամի, «Արավես» ՀԿ-ի հետ հայրենագիտական, բնագիտական, բնապահպանական նախագծեր. • Գեղարվեստի ազգային ակադեմիայի Գյումրու մասնաճյուղի 		
--	--	--	--	---	--	--

				<p>հետ արվեստի փառատոնի նախագծում, կազմակերպում, կրթական գեղագիտական միջավայրի նախագծեր.</p> <ul style="list-style-type: none"> • «Փայտե ձի» հիպոթերապիայի կենտրոնի հետ ծիավարության ուսուցման, հիպոթերապիայի նախագծեր. • գործուն մասնակցություն քաղաքային, հանրապետական, միջազգային ստեղծագործական հավաքների, համերգների, ցուցահանդես-վաճառքների: <p>Ուսումնական կենտրոնների, ակումբների նախագծերում հանրակրթական այլ հաստատությունների սովորողների ներառում՝ կրթահամալիրի միջավայրում, հեռավար նախագծերով կամ նախագծի տեղայնացմամբ:</p> <p>Բաց նախագծերի 3800 մասնակից այլ՝ հանրապետության ուսումնական հաստատությունների խմբեր, հանդիպումների, համերգ-ներկայացումների, հեռավար ուսուցման ծրագրերի մասնակիցներ, համացանցում անորոշ թվով շահառուներ:</p> <p>Ռազմամարզական, հայրենագիտական-քննապահպանական, արշավախմբային ճամբարների, ստեղծագործական հավաքների ավելի քան 6000 շահառու:</p> <p><i>Ուսումնական 8 կենտրոնների ղեկավարների, ստեղծագործական 14</i></p>		
--	--	--	--	---	--	--

				<p>խմբերի, ակումբների ղեկավարների աշխատավարձ:</p> <p>Մանկավարժական աշխատողների ամենամսյա լրավճարներ՝ ուսումնական ֆելեշիփների, սպորտափառապանների, ակումբների կազմակերպման համար: Ուսումնական կենտրոններում ուսումնական հեղինակային նյութական, ուսուցողական միջավայրի, նոր արհեստանոց-արվեստանոց-լաբորատորիայի ստեղծման, պահպանման և զարգացման, լրացուցիչ ուսուցման խմբերի, անհատական պարապմունքների, երկարացված օրվա ճամբարի կազմակերպման ծախսերը կատարվում են ուսումնառության պայմանագրերով որոշված վճարներով: Ճամբարներում սովորողների սննդի, կենցաղի, տեղափոխման ծախսերը կազմակերպվում են ծնողների միջոցներով, գործընկերների նպատակային հատկացումներով:</p>		
4.	Բլեյան բաց ցանցի, հեղինակային մանկավարժության տարածման գործընկերային նախագծեր	Հեղինակային մանկավարժության գործընկերների՝ ՀՀ ԿԳՄՍՆ, «Դար» տարածաշրջանային մրցունակության հիմնադրամի, «Սեբաստացիներ»	Բլեյան ցանցի տարածման համաձայնեցված նախագծեր Գեղարքունիքի մարզի Սևան համայնքում, ՀՀ Վայոց ձորի մարզում, Հայաստանի այլ բնակավայրերում: Հանրապետության	Գեղարքունիքի մարզի Սևան համայնքում հանրակրթական հեղինակային ծրագրով մենթորական աշխատանք, համատեղ իրականացվող նախագծեր ուսումնական օրացույցի, ուսուցման մեջ առցանց հարթակների ներդրման ուղղությամբ:	2024թ. ընթացքում	Ծրագրից գումար չի ներդրվում:

		<p>կրթական հիմնադրամի, գործընկեր բուհերի, այլ կազմակերպությունների և անհատների հետ նորարարական մանկավարժական ծրագրեր, գիտափորձեր</p>	<p>նախադպրոցական, հանրակրթական ուսումնական հաստատությունների ղեկավար, մանկավարժական աշխատողների վերապատրաստումներ՝ որպես պետական չափորոշի ներդրմանն աջակցություն հեղինակային կրթական ծրագրով:</p>	<p>ՀՀ Վայոց ձորի մարզում մարզպետարանի և «Մխիթար Սեբաստացի» կրթահամալիրի միջև կնքված հուշագրի շրջանակում գործընկերային նախագծեր՝ մարզի նախադպրոցական ուսումնական հաստատություններում, փոքրաքանակ աշակերտներով համալրված հանրակրթական ուսումնական հաստատություններում աշխատանք, մարզի դպրոցների և կրթահամալիրի սովորողների համատեղ ճամբարներ կրթահամալիրում՝ Արատեսում, Երևանում, և մարզի գյուղերում, բնապահպանական, հայրենագիտական նախագծեր, մանկավարժական աշխատողների համար կամավոր վերապատրաստման և մասնագիտական զարգացման պարապմունքներ:</p> <p>Հեղինակային կրթական ծրագրերի շահառուների նախաձեռնությամբ հեղինակային կրթական ծրագրով նախակրթարանի, դպրոց-պարտեզի ստեղծման, ուսումնական նախագծերով գործընկերության համաձայնեցված նախագծեր Երևանում, հանրապետության մարզերում, համայնքներում, դպրոցներում, մանկապարտեզներում, ուսումնական կենտրոններում:</p>		
--	--	--	---	--	--	--

				<p>Բլեյան բաց ցանցի տարածման աշխատանքներն իրականացվում են կրթահամալիրի ոչ պետական, կրթական ծառայություններից ստացվող միջոցներով, «Սեբաստացիներ» կրթական հիմնադրամի աջակցությամբ, շահառու-նախաձեռնողների, ծրագրի աջակիցների նպատակային ներդրումներով:</p>	
Ը ն դ ա մ ե ն ը՝					
				126 383 600	

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
 ք. Երևան, Կառավարական 2 շենք
 ՀՀ ՖՆ գործառնական վարչություն
 Հ/Հ 900011005205
 ՀՎՀՀ 02698732

Գլխավոր քարտուղար՝

_____ Հ. Հակոբյան

(ստորագրություն)

Կ.Տ

ԿԱԶՄԱԿԵՐՊՈՒԹՅՈՒՆ

«Երևանի Մխիթար Սեբաստացի կրթահամալիր» ՊՈԱԿ
 ք. Երևան, Րաֆֆի 57
 ՀՀ ՖՆ գործառնական վարչություն
 Հ/Հ 900018003203
 ՀՎՀՀ 01804186

Տնօրեն՝

_____ Ս.Մարկոսյան

(ստորագրություն)

Կ.Տ.